

| CYNGOR SIR YNYS MÔN | |
|---|---|
| Adroddiad i: | Pwyllgor Gwaith Cyngor Llawn |
| Dyddiad: | 20 Gorffennaf 2015 29 Medi 2015 |
| Pwnc: | Newidiadau i Gylchoedd Gorchwyl y Pwyllgorau Sgrwtini |
| Aelod(au) Portffolio: | Alwyn Rowlands |
| Pennaeth Gwasanaeth: | Lynn Ball |
| Awdur yr Adroddiad: Rhif Ffôn: E-bost: | Lynn Ball, Pennaeth Swyddogaeth(Busnes y Cyngor)/Swyddog Monitro 01248 752568 lbxcs@ynysmon.gov.uk |
| Aelodau Lleol: | d/b |

| A – Argymhelliad/Argymhellion a Rheswm/Rhesymau |
|--|
| <p>Bod y Pwyllgor Gwaith yn argymhell i'r Cyngor iddo gymeradwyo'r newidiadau i'r Cyfansoddiad fel y manylir yn yr Atodiad i'r adroddiad hwn.</p> <p><u>Cefndir:</u></p> <p>Mae Swyddogion Sgrwtini a'r Aelodau Etholedig wedi gofyn am newidiadau i sicrhau bod y Cylch Gorchwyl yn unol â'r arferion gorau cyfredol ac i:-</p> <ol style="list-style-type: none"> 1. Sicrhau y gall Pwyllgorau drosglwyddo eu baich gwaith rhwng y naill a'r llall pan fo pwysau gwaith yn golygu bod angen hyblygrwydd. 2. Caniatáu i'r Pwyllgor Sgrwtini Corfforaethol weithredu fel y Pwyllgor sy'n arwain ar adolygu'r gyllideb. <p><u>Crynodeb o'r Newidiadau</u></p> <ol style="list-style-type: none"> 1. Caniatáu i faterion ar raglen waith y Pwyllgor Sgrwtini Corfforaethol gael eu hanfon ymlaen i'r Pwyllgor Sgrwtini Partneriaeth ac Adfywio a vice versa. 2. Bod swyddogaethau Trosedd ac Anhrefn yn cael eu neilltuo ar gyfer y Pwyllgor Sgrwtini Partneriaeth ac Adfywio. 3. Bod unrhyw gais i sgrwtineiddio eitem yn cael ei gyflwyno i'r Pennaeth Gwasanaethau Democrataidd yn hytrach nag i'r Prif Weithredwr gyda Chadeirydd y Pwyllgor Sgrwtini perthnasol yn penderfynu a ddylid sgrwtineiddio'r eitem (h.y. defnyddio'r prawf o arwyddocâd ac asesu beichiau gwaith, blaenoriaethau a chapasiti. 4. Dim ond y Pwyllgor Sgrwtini Corfforaethol fydd yn ystyried cynigion cychwynol y Pwyllgor Gwaith ar gyfer y gyllideb. |

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?

Yr unig opsiwn arall sydd ar gael fyddai cynnal y status quo. Nid ystyrir mai dyna'r ffordd fwyaf effeithiol o ddefnyddio adnoddau cyfyngedig Sgriwtini.

C – Am ba reswm y mae hwn yn benderfyniad i'r Pwyllgor Gwaith?

Bydd yr adroddiad yn arwain at newidiadau cyfansoddiadol y bydd angen cael sylwadau'r Pwyllgor Gwaith yn eu cylch cyn cyflwyno'r adroddiad i'r Cyngor llawn.

CH – A yw'r penderfyniad hwn yn gyson â'r polisi a gymeradwywyd gan y Cyngor llawn?

D – A yw'r penderfyniad hwn o fewn y gyllideb a gymeradwywyd gan y Cyngor?

| DD – Gyda phwy wnaethoch chi ymgynghori? | | Beth oedd eu sylwadau? |
|---|--|--|
| 1 | Prif Weithredwr / Uwch Dim Arweinyddiaeth (UDA) (mandadol) | Cytunwyd ac eithrio'r cynnig drafft gwreiddiol mewn perthynas â pharagraff 4.5.9.1. Y newid a awgrymwyd gan y Prif Weithredwr yw y dylid rhoddi rhybudd i'r Pennaeth Gwasanaethau Democraidd yn hytrach "na'r swyddog sy'n arwain y swyddogaeth Sgriwtini". Mae'r drafft sydd ynghlwm yn cynnwys y newid y gofynnwyd amdano gan y Prif Weithredwr. |
| 2 | Cyllid / Adran 151 (mandadol) | Cafwyd ymateb yn cadarnhau nad oedd unrhyw sylwadau ar yr adroddiad. |
| 3 | Cyfreithiol / Swyddog Monitro (mandadol) | Awdur yr adroddiad |
| 4 | Adnoddau Dynol (AD) | Codwyd cwestiwn ynghylch 4.5.9.1 ond mae'r newid drafft sydd ynghlwm wrth yr adroddiad hwn yn rhoddi sylw i'r mater a godwyd. |
| 5 | Eiddo | d/b |
| 6 | Technoleg Gwybodaeth Cyfathrebu (TGCh) | d/b |
| 7 | Sgriwtini | Mae'r argymhellion gwreiddiol a'r rhai dilynol a wnaed gan y Cadeiryddion a'r Is-Gadeiryddion Sgriwtini wedi cael eu hymgorffori ym mharagraffau drafft 2.6.2.2 a 2.6.2.3. Mae'r egwyddor cyffredinol |

| | | |
|---|-------------------------------------|---|
| | | yn parhau'r un fath ond mae'r geiriad wedi cael ei gryfhau. |
| 8 | Aelodau Lleol | d/b |
| 9 | Unrhyw gyrff allanol / arall/eraill | Dim |

| E – Risgiau ac unrhyw gamau lliniaru (os yn berthnasol) | | |
|--|----------------------|--|
| 1 | Economaidd | |
| 2 | Gwrthdodi | |
| 3 | Trosedd ac Anhrefn | |
| 4 | Amgylcheddol | |
| 5 | Cydraddoldebau | |
| 6 | Cytundebau Canlyniad | |
| 7 | Arall | |

| F - Atodiadau: |
|--|
| Rhannau o'r Cyfansoddiad sydd wedi eu diwygio. |

| FF - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach): |
|--|
| |

Cyfansoddiad: 2.6 Erthygl 6 – Sgriwtineiddio Penderfyniadau

2.6.2.1 Enwau, Maint a Chylch Gorchwyl y Pwyllgorau Sgriwtini

Gall y ddau Bwyllgor Sgriwtini benodi aelodau cyfetholedig ychwanegol heb hawliau pleidleisio .

2.6.2.2 Cylch Gorchwyl y Pwyllgor Sgriwtini Corfforaethol

Yn unol â rheol 4.5.7 y Cyfansoddiad, gall Cadeirydd y Pwyllgor Sgriwtini Corfforaethol gyfeirio unrhyw fater i'r Pwyllgor Sgriwtini Partneriaeth ac Adfywio i'w ystyried, a gall y Pwyllgor Sgriwtini Corfforaethol ystyried unrhyw fater a gyfeiriwyd ato gan Gadeirydd y Pwyllgor Sgriwtini Partneriaeth ac Adfywio.

2.6.2.3 Cylch Gorchwyl y Pwyllgor Sgriwtini Partneriaeth ac Adfywio

Yn unol â Rheol 4.5.7 y Cyfansoddiad, gall Cadeirydd y Pwyllgor Sgriwtini Partneriaeth ac Adfywio gyfeirio unrhyw fater i'r Pwyllgor Sgriwtini Corfforaethol i'w ystyried, a gall y Pwyllgor Sgriwtini Partneriaeth ac Adfywio ystyried unrhyw fater a gyfeiriwyd ato gan Gadeirydd y Pwyllgor Sgriwtini Corfforaethol.

Cyfansoddiad: 4.3 Rheolau Gweithdrefn y Gyllideb a'r Fframwaith Polisi

4.3.2.2.8 O leiaf bythefnos cyn y dyddiad y bydd y gyllideb flynyddol yn cael ei mabwysiadu gan y Cyngor, bydd y Pwyllgor Sgriwtini Corfforaethol yn ystyried Cynigion Cychwynnol y Pwyllgor Gwaith mewn perthynas â'r Gyllideb o ran yr effaith a gânt a chan ystyried cynlluniau corfforaethol, yr awdurdod, cynlluniau gwasanaeth a chynigion i'w datblygu. Gall y Pwyllgor Sgriwtini Corfforaethol gyflwyno unrhyw sylwadau y mae'n ystyried eu bod yn briodol i'r Pwyllgor Gwaith ynghylch Cynigion Cychwynnol ar gyfer y Gyllideb.

4.3.2.2.9 O leiaf wythnos cyn y dyddiad pryd y bydd cyllideb flynyddol yn cael ei mabwysiadu gan y Cyngor bydd y Pwyllgor Gwaith, wedi ystyried ymatebion y y Pwyllgor Sgriwtini Corfforaethol a chanlyniadau unrhyw ymgynghori yn cyhoeddi ei Gynigion Terfynol ar gyfer y Gyllideb. Bydd y Cynigion Terfynol ar gyfer y Gyllideb yn cynnwys y canlynol :-

Cyfansoddiad: 4.5 Rheolau Gweithdrefn Sgriwtini

4.5.3 Rhai a Gyfetholir

4.5.3.2 Wrth gyflawni ei swyddogaethau trosedd ac anhrefn gall y Pwyllgor Sgriwtini Partneriaeth ac Adfywio gyfethol unrhyw berson (ac eithrio aelodau o'r Pwyllgor Gwaith) ac nid oes ganddynt yr hawl i bleidleisio onid yw'r Pwyllgor yn caniatáu hynny. Mae modd penodi cyfetholedigion ar gyfer mater penodol neu fath penodol o fater a gall y Pwyllgor, pryd bynnag y dymuno, dynnu'r aelodaeth yn ôl.

4.5.9 Eitemau ar yr Agenda

4.5.9.1 Bydd gan unrhyw Aelod o'r Cyngor hawl i roi rhybudd i'r Pennaeth Gwasanaethau Democrataidd ei fod/bod yn dymuno i eitem sy'n berthnasol i swyddogaethau'r Pwyllgor gael ei chynnwys ar yr agenda ar gyfer y cyfarfod nesaf o'r Pwyllgor sydd ar gael. Ar ôl derbyn cais o'r fath bydd y Cadeirydd y Pwyllgor Sgriwtini perthnasol yn penderfynu a fydd yn cael ei gynnwys ar yr agenda nesaf sydd ar gael trwy gynnal prawf arwyddocad a thrwy gynnal adolygiad o bolisiau a chapasiti. Os bydd yr eitem yn cael ei chynnwys ar agenda'r Pwyllgor Sgriwtini bydd yr Aelod sy'n cyflwyno rhybudd ynghylch eitem benodol ar yr agenda â'r hawl i siarad yng nghyfarfod y Pwyllgor pan roddir sylw i'r eitem benodol honno.